



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJAKOVË

Numri i lëndës: 2018:029888

Datë: 06.08.2018

Numri i dokumentit: 00096889

P.nr.625/17

NË EMËR TË POPULLIT

GJYKATA THEMELORE NË GJAKOVË-Departamenti i përgjithshëm, Gjyqtarja **DIANA SINA**, me sekretaren juridike Lamije Kuqi, në lëndën penale kundër të akuzuarit I. S. nga fsh.D. K.Gjakovë, për shkak të veprës penale, të vjedhjes së shërbimeve komunale, nga neni 320 të KPRK-së, i akuzuar sipas aktakuzës të Prokurorisë Themelore në Gjakovë, me numër PP/II.nr.1164/2017, të datës 26.09.2017, pas mbajtjes së shqyrtimit fillestar me datën **06.08.2018**, në prezencën e Prokurorit të shtetit Ramiz Buzhala, të akuzuarit, të dëmtuarës Përfaqësuesit të autorizuar të K.-Gjakovë, në të njëjtën datë mori dhe publikisht shpalli këtë:

A K T G J Y K I M

I akuzuari **I. S.**, i biri i M., i nënës T. e gjinisë A., data e lindjes ... në fsh.D. K. Gjakovë, ku edhe tani banon, ka të kryer shkollën e mesme, i pa punë- realizues i pensionit të veteranit të luftës, i martuar- atë i 3 fëmijëve, i gjendjes së dobët ekonomike, shqiptar, shtetas i Republikës së Kosovës.

Ë s h t ë f a j t o r:

Sepse: Nga data e pavërtetuar e gjer me dt.04.04.2017 në shtëpinë e tij në fshatin D. Komuna Gjakovës, me qëllim që vetit ti sjell përfitim pasuror, në mënyrë të kundërligjshme, në kundërshtim me dispozitën të Ligjit për energjinë elektrike të Republikës së Kosovës, nr.05/L- /5, ka shfrytëzuar rrymën elektrike, në atë mënyrë që gjatë kontrollimit nga ana e zyrtarëve të K.-it, është konstatuar se i pandehuri njehsorit elektrik nr..... i ka larguar urat e tensionit L1 dhe L2 duke anashkaluar kështu regjistrimin e saktë të energjisë së shpenzuar elektrike me ç' rast ndërmarrjes së dëmtuar K.-divizoni në Gjakovë i ka shkaktar dëme në shumë 207.81 euro.

- me çka ka kryer veprën penale të vjedhjes së shërbimeve komunale, nga neni 320 të KPRK-ës.

Gjykata në bazë të nenit 4, 17 par.1, 41, 46, 49, 50, 51, 52 par.5, 73, dhe nenit 320 të KPRK-së, si dhe nenit 365 të KPPK-së, i shqipton;

DËNIM ME KUSHT

Dënim me burgim në kohëzgjatje prej **3 (tre) muajve**, dhe dënim me gjobë në shumë prej **100.-(Njëqindë) Euro**, të cilat dënime nuk do të ekzekutohen nëse i akuzuari brenda kohës së verifikimit në afatin prej **1 (Një) viti**, nuk kryen ndonjë vepër tjetër penale.

Detyrohet i akuzuari që të paguaj shpenzimet e paushallit gjyqësor në shumë prej **20 Euro**, në afat prej 15 ditësh, nga dita e plotfuqishmërisë së këtij Aktgjykimi.

E dëmtuara K. - Distrikti në Gjakovë, për realizimin e kërkesës pasurore juridike udhëzohet në kontest civil.

A r s y e t i m

Prokuroria Themelore në Gjakovë, pranë kësaj gjykate, ka parashtruar aktakuzën PP/II.nr.1164/2017, të datës 26.09.2017, kundër të akuzuarit I. S. nga fsh.D. K.Gjakovë, për shkak të veprës penale, shfrytëzim i pa autorizuar i energjis elektrike nga neni 61 par.1 pika 1.2 të Ligjit për energji elektrike të Republikës së Kosovës, nr.05/L-85, dhe i ka propozuar gjykatës që i njëjti të shpallet fajtor dhe të dënohet sipas ligjit.

Prokurori i shtetit Ramiz Buzhala sipas kërkesës së Gjyqtares ka bërë plotësimin e akuzës me parashtrës PP/II.nr.1370/17 të dt.27.02.18, nëpër mes së cilës ka bërë korrigjimin e kualifikimit juridik ashtu që në vend të nenit 61 par.1 pika 1.2 të Ligjit për energjinë elektrike të Kosovës duhet të jetë vepra penale vjedhje e shërbimeve komunale nga neni 320 të KPRK-së .

I akuzuari I. S. në shqyrtimin fillestar lidhur me fajësinë deklaron se e pranon fajësinë ashtu siç është përshkruar në dispozitivin e aktakuzës, për të cilën vepër jam penduar pa masë por premtoi para gjykatës se të njëjtën nuk do ta përsërisë, ditën kritike punëtorët e K. kanë eliminuar keqpërdorimin e rrymës dhe tani e shfrytëzoi rrymën në mënyrë të rregullt, premtoi para gjykatës se dëmin e shkaktuar do ta kompensoi pjesë pjesë pasi që jam në gjendje të dobët materiale, si dhe për herë të parë paraqitem në gjykatë për një vepër të kryer penale, andaj i propozoi gjykatës që të ketë parasysh këto rrethana me rastin e shqiptimit të llojit dhe lartësisë së dënimit.

Përfaqësuesi i autorizuar i të dëmtuarës K.-Distrikti në Gjakovë, L. M., deklaron, se nuk e kundërshton pranimin e fajësisë gjithashtu paraqesë kërkesën pasurore juridike.

Duke u deklaruar lidhur me mendimin lidhur me pranimin e fajësisë nga ana e të akuzuarit, prokurori i shtetit ka deklaruar se nuk e kundërshton pasi që i akuzuari ka pranuar fajësinë me vullnet dhe vetëdije të plotë dhe i njëjti ka kuptuar natyrën dhe pasojat e pranimin të fajësisë dhe se pranimi i fajësisë u bë në mënyrë të vullnetshme dhe se pranimi mbështet në faktet dhe provat që përmban aktakuza.

Në shqyrtimin fillestar gjykata ka vërtetuar këtë gjendje faktike: Në tërësi u vërtetuar se i akuzuari I. S.: Nga data e pavërtetuar e gjer me dt.04.04.2017 në shtëpinë e tij në fshatin D. Komuna Gjakovës, me qëllim që vetit ti sjell përfitim pasuror, në mënyrë të kundërligjshme, në kundërshtim me dispozitën të Ligjit për energjinë elektrike të Republikës së Kosovës, nr.05/L-5, ka shfrytëzuar rrymën elektrike, në atë mënyrë që gjatë kontrollimit nga ana e zyrtarëve të K.-it, është konstatuar se i pandehuri njehsorit elektrik nr..... i ka larguar urat e tensionit L1 dhe L2 duke anashkaluar kështu regjistrimin e saktë të energjisë së shpenzuar elektrike me ç' rast ndërmarrjes së dëmtuar K.-divizoni në Gjakovë i ka shkaktar dëme në shumë 207.81 euro.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari, i cili në shqyrtimin fillestar vullnetarisht ka pranuar fajësinë, për shkak të cilës gjykata nuk ka administruar provat, gjykata ka ardhur në përfundim se pranimi i fajësisë nga i akuzuari është bërë në pajtim me nenin 248 të KPP-së. Gjatë pranimit të fajësisë gjyqtarja e vetme gjykuese konstatoi se i akuzuari ka kuptuar natyrën dhe pasojat e pranimit të fajit, pranimi është bërë vullnetarisht nga i akuzuari, pranimi i fajit mbështetet në faktet e çështjet që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lartë ka ardhur në përfundim se në veprimet e të akuzuarit formohen të gjitha elementet e qenies së veprës penale të përshkruar si në shqiptim të këtij aktgjykimi dhe për këtë ka vendosur që të akuzuarin të shpall fajtor dhe të gjykojë në bazë të ligjit, e më parë duke vërtetuar përgjegjësinë penale juridike të tij.

Me rastin e marrjes së vendimit mbi dënimin ndaj të akuzuarit gjykata vlerësoi të gjitha rrethanat në kuptim të dispozitave të nenit 73 të KPRK-së të cilat ndikojnë në zgjedhjen e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit: gjendjen e tij të dobët ekonomike, mbajtës i vetëm i familjes, pranimin e fajësisë, pendimin e tij dhe premtimin se në të ardhmen nuk do të kryejë vepra penale, e sidomos faktin se për herë të parë ndeshet me ligjin si dhe premtimin se dënimin e shkaktuar të dëmtuarës do ta kompensoi, Gjykata ka ardhur në përfundim se me dënim me burgim në kohëzgjatje prej **3 (tre) muajve**, dhe dënim me gjobë në shumë prej **100.-(Njëqindë) Euro**, të cilat dënime nuk do të ekzekutohen nëse i akuzuari brenda kohës së verifikimit në afatin prej **1 (Një) viti**, nuk kryen ndonjë vepër tjetër penale, do të arrihet efekti dhe qëllimi i tij nga neni 41 dhe 50 i KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi mbi shpenzimet e procedurës penale është marrë konform nenit 450 par.1 dhe 2 lidhure me nenin 453 par.1. të KPP-së.

Vendimi për udhëzimin e palës së dëmtuar në kontest civil, për realizimin e kërkesës pasurore juridike, është marrë bazuar në nenin 463 par.2 të KPPK-së.

Me sa u tha më lartë u vendos si në dispozitiv të këtij aktgjykimi, konform nenit 365 të KPP-së.

GJYKATA THEMELORE NË GJAKOVË
- Departamenti i përgjithshëm -
P.nr.625/17 me datën 06.08.2018

Procesmbajtësja,
Lamije Kuqi

Gjyqtarja e vetme gjykuese,
Diana Sina

UDHËZIMI JURIDIK: Kundër këtij aktgjykimi është e lejuar ankesa në afat prej 15 ditësh pas marrjes së aktgjykimit, në Gjykatën e Apelit të Kosovës në Prishtinë, nëpërmjet kësaj Gjykate.

Numri i lëndës: 2018:029888
Datë: 06.08.2018
Numri i dokumentit: 00096889